

2. D. B. V.

DISSERTATIO INAVGVRALIS MEDICA,
(DE

GANGRÆNA ET SPHACELO,

QVAM

RECTORE MAGNIFICENTISSIMO,
SERENISSIMO PRINCIPE AC DOMINO,
DOMINO

GVILIELMO HENRICO,

DVCE SAXONIÆ, IVLIACI, CLIVIÆ, MONTIVM,
ANGARIÆ, WESTPHALIÆ, & RELIQA,

P R Æ S I D E

IOANNE ADOLPHO WEDELIO,

PHILOSOPHIÆ ET MEDICINÆ DOCTORE, PROFES-
SORE PVBL. ORDINARIO, MED. DVC. PROV. SAXO-VINAR.
AC CIVITAT. IENENS. PHYSICO,

PRO LICENTIA

SVMMOS IN ARTE MEDICA HONORES ET PRIVILEGIA DO-
CTORALIA, MORE MAIORVM, RITE CAPESSENDI,

SOLEMNI PHILIATORVM EXAMINI SVBMISIT

CAROLVS GOTTLEBIVS HEERMANN,

FLVRSTADIO-THVRINGVS,

AD D. MART. M DCC XIX.

HORIS LOCOQVE CONSVEVIS.

IENÆ, TYPIS RITTERIANIS.

K. u. k. Militär-ärztliche Bibliothek

Standort	Zimmer	Katalog	Abth.	
	Kasten		Gruppe	
	L. Nr.		Nr.	



I. N. I.

PROOEMIUM.



Xpectatione sola qui morbos curare fatagit, eos tantum eligere debet, qui sponte sanantur, medicique opem haud postulant. In plurimis enim reliquis cunctando efficiet, ut morbus vel grauior reddatur, vel insanabilis euadat, vel vitam tollat.

Occasio hinc potius, quæ præceps est, & toties ab HIPPOCRATE commendatur, obseruanda est.

Hæc enim, dum ostendit, quid quolibet morbi tempore præfente faciendum fit medico, genuinam expectationem medicam iamdum sub fe continet, minimeque concedit, vt præpoftere agat.

Hinc in morbis acutis grauioribus & periculosis auxilium conueniens absque vitæ periculo, vel damno irreparabili, differri haud potest; in chronicis vero non tam differendū, quam potius conuenienti tempore seu occasione applicandum, est aptum remedium. Hanc occasionem si expectet medicus, id ad expectationem laudabilem & medicam referri potest.

Ex periculosis malis nullam expectationem admittentibus inprimis

mis est gangræna eamque negle-
ctam, vel contumacem, prompte
excipiens sphacelus, quos affectus
speciminis inauguralis loco iam e-
uoluere conabimur. Faxit Æter-
num Numen, vt id feliciter eueniat.

THES. I.

Nomen gangrænæ, quod a γράω, comedo, deri-
uari volunt, a quibusdam male pro cancro sumi-
tur, qui a gangræna maxime differt, vt vtriusque
phænomena satis ostendunt. Rectius hinc pro
gradu inflammationis summo ponitur, & Germanis **der
heisse Brand** apte vocatur. Reliqua circa nomen oc-
currentia iam non attendimus, de re ipsa magis solliciti.

THES. II.

Est autem *gangræna* inflammatio corruptiua & ad
νεκρωσιν partis tendens, a stasi sanguinis actiuioris grauissi-
ma proueniens. Ad inflammationem pertinere gangræ-
nam, phænomena ostendunt omnia, minus recte hinc ad
tumores vel vlcera, sub quibus ab haud paucis de ea agi-
tur, referri potest. Feruor enim seu ardor ingens & gra-
uior, rubor intensus, dolor vrgens, satis de intemperie
calida testantur, & quanquam etiam hic, vt in aliis inflam-
mationibus, iunctus sit tumor, potior tamen est intemperies.

THES. III.

Differentiam specificam largitur primo gradus inflam-

mationis, qui summus adest in gangræna, in reliquis enim mitior videtur. Cumque euentus eundem optime determinet, quatenus reliquæ inflammationes vel discussione vel suppuratione vel induratione finiuntur, in hocce vero gradu summo, sibi relicto, semper corruptio & νέκρωσις partis sequatur, idem illius loco ponitur commode. Reliquæ differentiæ specificæ a causis desumptæ sunt, & in harum explanatione clariore euadent.

THES. IV.

Affici autem gangræna omnes omnino partes queunt, quæ vasis sanguiferis gaudent, tam externæ quam internæ. Hinc cerebri, viscerum, aliarumque partium internarum gangræna fuit obseruata. Ex externis autem partibus quælibet quidem ita corripitur queunt, magis tamen extremæ, vt labia, penis, scrotum, manus, pedes, eorumque digiti. Speciatim vero sanguis magis in partibus laudatis concipiens malum sustinet, qui, vt caloris naturalis, ita & huius nimii, fons existit.

THES. V.

Causa immediata gangrænæ est stasis sanguinis actiuoris grauissima. Per stasin intelligimus circulum sanguinis in parte ita impeditum, vt eiusdem pressio seu impetus vegetus quidem permaneat, imò vehementior sæpe sit, transitus vero seu refluxus magis vel minus intercipiatur. Quo magis igitur refluxus impeditus est, eo grauior est stasis; quo minus, eo leuior. Gradus hinc staseos diuersus diuersum inflammationis gradum necessario infert, & hinc in gangræna grauissima stasis summum inflammationis gradum efficit. Stasis vero talis existit sanguinis actiuoris, id est, qui plures partes salinas & sulphureas acres in se continet

tinet, quæ si deficient, non inflammatio nec gangræna, sed alii affectus, per stasin eiusmodi consurgunt.

THES. VI.

Stasis autem commemorata calorem vehementiorem ideo præstat, quia sic salia, secedentibus & difflatis partibus lymphaticis & temperantibus, reliquis vero retentis, prædominium acquirunt, & in se inuicem ac intermedium sulphur fortius & vehementius agunt illudque expandunt. Nisi enim sanguis, stasin concipiens, iamdum in se contineat partes illas salinas & sulphureas volatiles, non possent salia prædominium acquirere, quatenus per stasin hæc non generantur, sed, præsentia ac latitantia prius, in aprium tantum prodeunt. Quodsi hinc salia sint fixiora, sulphur vero parcius & debilius, tunc per stasin eiusmodi non tam efferatio eorum talis, quæ calorem maiorem & gangrænam prius inferret, sed statim *véνησις*, sine prægressa gangræna, oritur. Vti & salibus vel deficientibus, vel terreis aut pituitosis partibus magis occultatis, & sulphureis paucioribus præsentibus, vel fixioribus existentibus, & volatilibus per stasin secedentibus, a stasi hac nec gangræna nec sphacelus, sed scirrhus vel alius tumor fit.

THES. VII.

Non autem attritus sanguinis arteriosi in vasis capillaribus stagnantis a motu reliqui cruoris moti calorem illum facere potest. Affluxus enim sanguinis ad partem inflammata tamdiu tantum, quamdiu tumor augetur, maior quam refluxus fit. Tumore autem in eadem magnitudine persistente, & parte sic a sanguine penitus repleta, affluxus sanguinis eiusdem refluxui æqualis est. Quodsi enim partis inflammatae fibræ a sanguine accedente expandi amplius

plius nequeunt, spatium omne sanguini affluenti denegatur, nisi tantum ex parte exeat, quantum accedit. Quo minor vero est stasis, eo liberior est effluxus, adeoque & affluxus, tumore iam facto. Quo maior vero est stasis, eo minor est refluxus, adeoque, tumore iam facto, etiam minor affluxus. Igitur, si ab attritu sanguinis stagnantis per motum reliqui cruoris fieret calor in inflammatione, necessario maior deberet esse fiente tumore, quam facto, in leuiori stasi, quam grauiori. Nam attritus sanguinis inclusi a sanguine reliquo fieri nequit, nisi hic ad illum accedere queat. Magis autem accedit ad illum tumore fiente, quam facto, in stasi leuiori, quam grauiori, & contra, adeoque deberet ibidem calor esse maior, hic minor. Verum contrarium docet experientia, tumore enim penitus facto & stasi grauiori praesente calor maior est. Imo, si stasis grauiissima est, ut in gangraena nostra, tumore facto, affluxus nullus fere reliqui sanguinis, ob effluxum stagnantis denegatum, adeoque nec attritus, fieri potest, calor tamen adest summus. Ergo attritus ille caloris in inflammatione, & speciatim gangraena, causa esse nequit. Minus etiam calor in inflammationibus auctus motui vitali tonico aucto adscribi potest, cum hic non, nisi mediante motu sanguinis progressiuo aucto, eiusdem calorem augere queat, hoc autem loco, per iam dicta, sanguinis stasin concipientis motus progressiuus imminutus, minime vero auctus, sit. Repugnaret enim, stasin & motum progressiuum auctiorem sanguinis eiusdem vna adesse.

THESES. VIII.

Corruptiuam & ad *νεκρωσιν* tendentem inflammationem stasis, haec grauiissima facit, quoniam restitutio proportionis

portionis partium sanguinem constituentium [turbatæ fieri non potest, sed sulphur agitatione hac nimia magis magisque destruitur. Restitutio autem proportionis fieri nequit, quia ob stasim grauissimam & refluxum maxime impeditum tum accessus noui sanguinis vitalis, tum separatio & correctio salium, obtineri haud potest. Dissolutio igitur & secessus partium constituentium vt succedat, necesse est, in qua consistit ipsa corruptio, ad quam tendit. In reliquis enim inflammationibus refluxus minor quidem, aliqualis tamen præsens est, vnde de nouo accedens sanguis vitalis huic stagnanti miscetur, eiusque proportionem, vel talem certe, quæ internecionem non ita subit, conseruat, partim salia corrigendo & aliquo modo temperando, partim euahendo & sic ad excretionem e corpore apta reddendo.

THES. IX.

Oritur talis stasis grauissima vitio vel sanguinis vel viarum. Sanguinis culpa fit, si nimis acris & rarefactus sit, seu particulis biliosis salinis concentratis & copiosis nimis scateat, & præcipiti ac maiore impetu ad partem quandam propellatur. Tunc enim partim ob rarefactionem nimiam & velociorem accessum tam cito per poros penetrare non valens accumulatur in parte, fibras distendit, & sic sibi ipsi obicem ponit, infarctumque auget, partim acrimonia sua fibrillas stimulando & crispando poros arctat, ferro vero diffiato ad grumescentiam pronior redditur, vt per angustiores vias penetrare haud possit. Gradus huius acrimoniæ etiam variat, grauissimus enim si adest, decubitus ad partem sponte, vel cæco ductu & casu fortuito, vel ob debilitatem eiusdem, contingit, & gangræna statim oritur.

tur. Remissior autem paulo gradus huius acrimoniæ si præsens sit, per se quidem ac sponte gangræna haud facile fit, levis tamen stasis, a quacunque causa inducta, grauissimam tunc ex improviso, adeoque gangrænam, infert. Illud videtur in scorbuto grauiori, vnde gangræna scorbutica, febribus malignis, peste, & similibus, hoc in subiectis scorbuticis, vbi quidem mitior, sufficiens tamen ad hæc, gradus adest. In his enim levis læsio v.g. vulnus, contusio, applicatio vesicatoriorum, corrosiuorum, abscissio clauis pedis improuida, vlcus, ob acrimoniam maiorem sanguinis iam præsentem, stasim grauissimam facit, quæ in aliis inflammationem mitiorem vix excitaret. Multo magis vero leuior in talibus consurgens & apparens, & adhuc citius & certius grauior paulo, inflammatio ad gangrænam ruit. Salia enim copiosiora & acriora aliquomodo, circulo sanguinis libero existente, domita & subiugata statim per leuiorem stasim eminent, & hanc maiorem reddunt grauissimam.

THES. X.

Quæcunque itaque sanguinem ita acrem reddere norunt, vel alias, vel affectus laudatos prius excitando, ad causas remotiores pertinent, vnde temperamentum calidius, ætas vegetior, suo modo etiam senilis, vappescentibus tunc humoribus, habitus carnosus & gracilior, aer calidior, vt & frigidus, victus calidior, motus vehementior, vigiliæ excedentes, animi motus vehementiores, effluuia acriora retenta, serosa vero nimis dissipata, seorsim vel coniunctim, morbi superius laudati, venena rosua, vel assumpta vel morfu vel alia ratione communicata &c. id facere valent.

THES.

THES. XI.

Viarum vitio stasis grauissima emergit, si vasa nimis vel angustentur vel lacerentur. Angustatio nimia dum transitum prohibet, per se patet, quomodo stasin faciat grauissimam. Laceratio autem nimia viam præcludit, quoniam tubuli flexilis & mollis lacerati pars altera contentum liquorem quidem emittit, sed altera pars abrupta vel lacerata non iterum admittit. Humor enim accedens extremitates laceras ipsi aperturæ impellit, & eandem ita obstruit, adeoque intrare haud potest. Angustatio viarum nimia inducitur ab inflammatione maiori iamdum præsentē, ut & erysipelate, potissimum si male tractentur; item a frigore maiori paulo, & eo promptius, quo magis vna sanguinem in parte condensat & ad grumescentiam disponit. Talem quoque angustationem nimiam efficit compressio nimia, siue a ligatura fortiori & diuturniori, siue ab aliis, ut in hernia incarcerata, eueniat. Et hæc eo magis damnosa & nimia est, quo magis pars debilitata, vel plures tubuli lacerati iam sunt, vnde deligatio chirurgorum inepta gangrænam prompte post se trahere videtur. Tandem a crispatura fibrillarum circa poros & vasa existentium angustatio nimia prouenit. Hanc vero præstat vel acrimonia salina, vel ignis, vel punctura partium neruosarum. Acrimonia salina maior quæcunque, siue in parte generata, v. g. inflammatione simplici præsentē si applicentur poros constipantia, siue aliunde accedens, dum vellicat fibrillas, earum contractionem & crispaturam & inde angustationem facit. Ignis motu suo celerrimo penetrat, humidum dissipat, fibrillas pungit, irritat, contrahit & crispat, vnde ambustiones grauiiores gangrænam facile inferunt.

Punctura fibrillarum neruearum, siue nerui ipsius, siue tendinis siue membranæ nerueæ, dolorem vehementissimum & strictionem conuulsivam partium circumiacentium, & inde angustationem nimiam, excludit.

THES. XII.

Lacerationem vasorum & tubulorum grauiorem præstant contusiones, fracturæ, rupturæ, vulnera, corrosio, ambustio, singula grauiora. Ex hisce causis recensitis omnibus quo plures coniunguntur, eo præsentius malum hoc oritur, & præprimis si humorum superius tacta vitia concurrant. Possunt tamen læsiones hæ grauiores, optime alias sanguine se habente, in eiusmodi statum abire, maxime si negligantur, nec rite curentur.

THES. XIII.

Gangræna differentiam habet variam, est enim vel simplex vel scorbutica vel maligna. Ista est, quæ contingit sanguine alias bono existente, illa a scorbutico, hæc a fermento maligno dependet. Alia est a causa externa, alia ab interna, alia ab utraque. Alia præuisa, alia inopinata, statim ex improviso accedens. Porro vel manifesta est, exterius se exerens, vel occulta, latitans. Ratione subiecti est vel stationaria, quæ in parte affecta permanet & subsistit, vel progressiua, ulterius pergens partes vicinas occupans & sic citius latius serpens. Primaria est, si ab alio morbo præcedente non consurgat, symptomatice, si cui superueniat, ut vulnere, fracturæ &c. Est quoque vel incipiens, vel iamdum ad sphacelum abiens, ubi quædam fibrillæ emortuæ iam sunt.

THES.

THES. XIV.

Manifesta & obuia si sit gangræna, his phænomenis deprehenditur: *rubor* haud floridus adest, vt in aliis inflammationibus, sed intensus magis, subliuidus vel subnigricans etiam, *feruor* partis seu ardor vehemens & grauior longe, quam alias in inflammatione ordinaria, *tumor* magnus & valde durus, *dolor* vehemens ac vrgens, cum pulsatione. Timenda gangræna est, si inflammatio vel læsio grauior adsit, & eo magis, quo magis acriori & feruidiori sanguine æger gaudet. Latens & internis in partibus eueniens gangræna difficilius cognoscitur, produnt tamen eam febris aucta, dolor & ardor partis vehementior, nonnunquam autem tam subito inualescit, vt citius mortem adferat, quam signis se prodatur. Quodsi vero color magis reddatur nigricans, pars flaccescat, calor & sensus imminuatur, pustulæ appareant, iamdum ad sphacelum & νέκρωσιν partis abit.

THES. XV.

Periculosum ac interitum minans malum est gangræna, magis tamen si corpus scorbuticum, vel alias valde cacochymicum, corripiat, si progressiua sit, si partes nobiliores ac internæ ita afficiantur, si causa eius grauior ac maligna, si vires deficient, aliique morbo periculoso ac graui iungatur vel superueniat. Symptomatibus hinc grauioribus tunc apparentibus, vt lipothymiis, anxietate, debilitate maiori, deliriis & similibus, conclamatum est. Melior spes affulget, si ceteroqui sanus sit æger, pars externa ignobilior affecta, læsio alia grauior & causa maligna prægressa absit, mature auxilium debitum feratur, ætas, vires, omniaque consentiant, nec transitus ad sphacelum iam appareat.

THES. XVI.

Acutus admodum morbus existit, & nisi subito succurratur, breuissimo tempore mortem infert. Nam intra paucas horas vel dies necat, aliquando tamen tardius paulo mortem post se trahit, pro circumstantiarum reliquarum varietate. Maturum quoque auxilium si factum sit, breui tollitur, quanquam effectus eius morbosus relictus curationis moram sufficientem postmodum requirat.

THES. XVII.

Proprie dicta enim gangræna vel in vlcus sphacelosum vel in sphacelum abit. Vlcus sphacelosum est, si quædam tantum partis fibræ, plures vel pauciores, vna cum interposito sanguine emoriantur & corruptionem putrilaginosam subierint, reliquis nondum ita affectis, quod tamen breui contingere solet, si sibi relinquatur. Hoc vlcus a plurimis sub ipsa gangræna ad talem gradum perueniente comprehenditur, quod liberum omnino est. Si in tali statu parte existente *αἰσῖς* aliquo modo expediatur, pus generari solet, quoniam sanguini accessu iterum aliquali & transitu concessio, proportio sanguinis subsistentis in tantum conseruatur, ne corruptio, sed tantum suppuratio, eueniat, vnde in bonis est, si pus bonæ notæ in tali vlcere appareat. *Sphacelus* vero est perfecta & totalis partis *νέκρωσις*, a communicatione huius cum humoribus & spiritibus vitalibus prorsus ablata proueniens, præuia gangræna vel minus.

THES. XVIII.

Quanquam hinc gangræna ordinarie & fere semper, nisi præcaueatur, in sphacelum abeat, non tamen sphacelus

Ius vnice a gangræna dependet, sed ab aliis etiam, sine gangræna prægressa, oritur, adeoque quædam de hoc addere lubet prius, quam ad curationem accedamus, vt exactius omnia sibi constent. Neque tamen opus erit, vt plura de nomine sphaceli afferamus, quod a σφάκην interficio prouenire censetur, & Germanis **der kalte Brand** appellatur, cum lucem rei maiorem affundere nequeant.

THES. XIX.

Subiectum sphaceli sunt non solum illæ partes, quæ in gangræna afficiuntur, sed speciatim omnes omnino earundem particulae, dum non solum fluidæ sed & solidæ, imo ossa, a sphacelo vita priuantur, verbo, tota pars penitus destructionem putrilaginosam subit.

THES. XX.

Immediata sphaceli causa est communicatio partis affectæ cum humoribus & spiritibus vitalibus prorsus ablata. Vti enim partium omnium vita a sanguine & spiritibus bene se habentibus dependet, ita communicatione horum plane denegata vita quoque perit. Igitur ipse sanguis in partibus his penitus subsistens, cum circulari & reliquo misceri nequeat, breui vitalis esse desinit ac dissoluitur, & hinc partes continentes ac reliquæ vita sic priuantur & prompte putredine corripuntur.

THES. XXI.

Denegatur autem partis affectæ communicatio cum humoribus & spiritibus vitalibus ob stasin sanguinis, salinis particulis abundantis, grauissimam tamdiu durantem, donec proportio sanguinis vitalis penitus cesset. Quamdiu hinc sanguis, stasin eiusmodi concipiens, proportionem
vita-

vitalem aliquomodo saltem feruat, tamdiu abest etiam sphacelus. Hac enim adhuc præsentē communicatio aliqualis saltem obtinet, & hinc vita quoque. Sanguis enim subsistens non in momento vitalis esse desinit, quoniam partes constituentes non tam subito discedunt, & is reliquo appellenti vegeto & vitali sanguini adhuc contiguus est. Haud tamen diu ita permanere potest, secedunt enim partes spirituosæ & lymphaticæ, nec restitui ob stasim queunt, hinc proportio mutatur, salia liberantur, & dissolutio gradatim, celeriter tamen, sequitur. Latitantibus autem in sanguine stagnante particulis salinis & sulphureis copiosis volatilibus, per superius dicta gangræna prius confurgit, & stasi non remota sed permanente, absolute sphacelus sequitur. Fixiori autem statu salium & sulphuris, vel vnico saltem sale, siue acido siue alcalico, eminente, separato & caustico euadente, sulphureque depresso, sine efferatione caloris præcedente dissolutio & proportionis sanguinis vitalis cessatio euenit.

THESES. XXII.

Stasin grauissimam tamdiu durantem inferunt omnes causæ in gangræna stasin facientes & superius recensitæ vel grauiore, quam vt tolli & remoueri possint, vel neglectæ & sic inualescentes, vel inconuenienti curatione deteriores redditæ. Eadem ex illis, quæ rarefactionem coniunctam non habent, statu sanguinis fixiori vel antedicto modo se habente, sine præuia gangræna, sphacelum excludunt. His addi debet defectus partium spirituosarum & balsamicarum sanguinis, vt in paralyti, hemiplexia, senibus, vbi impulsu debito cessante vel ob compressionem, etiam a solo decubitu, longiorem vel alias quoque sanguis

in

quadam subsistit, & corruptionem seu dissolutionem ob absentes partes balsamicas breui absque efferatione caloris subit, inprimis in extremis.

THES. XXIII.

Imminentis & incipientis sphaceli notas §. XIV. adduximus, præsentis autem & perfecti cognitio in externis partibus facilis est, in internis vel coniectura artificiosa vel post mortem demum deprehenditur. *Calor* enim vitalis plane abiit & in frigus mutatus est. *Color* nigrescens & liuidus, in ambitu pallidus apparet. *Tumor* mollis flaccidus. *Sensus* prorsus abolitus, vt etiam secta & puncta pars nihil percipiat. *Motus* ab his musculis dependens abest omnis, licet pars emortua & corrupta a musculis in sana parte hærentibus moueri aliquando possit, quod ne fallat, respiciendum.

THES. XXIV.

Est vero & sphacelus vel statarius, consistens in parte, vel progressiuus, repente ex exigua particula ita affecta in vicinas partes abiens & eodem modo interimens. Hoc autem a diuersa sanguinis intemperie prouenit. Si enim corruptione seu dissolutione plenaria facta emergant salia corrosiua caustica, tunc partium vicinarum vasa capillaria tenerrima statim inde destruuntur, & sanguis, ibidem stasin contumacissimam ob vasa destructa subire coactus, fermentatiua corrupti sanguinis vi, & textura ipsius apta concurrente, similem mutationem subit breuissimo tempore. Hoc facto & eodem acrimoniæ causticæ gradu acquisito iterum vicinas partes ita aggreditur, & propagatio continuatur, calore ipso vicinarum partium vitali actiuitatem salium causticorum augente. Sin autem dissolutione &

destructione sanguinis peracta, ob minorem paulo salium concentratorum præsentiam vel aliam miscelam inde euenientem, sal causticum haud ita consurgat, vel subsistit vel saltem tardius progreditur. Ab hac itaque potius causa progressus sphaceli celerior dependet, quam a desertione seu destitutione naturæ in his partibus, cum mederi illis nullo modo possit. Si enim a natura, per quam animam rationalem intelligi volunt, distituat partes vicinas in tali statu, nec motiones tonicas vitales suscipiat, cum frustraneas deprehendat, eadem omnino celeritate progressus sphaceli contingere deberet, quia nunquam restitutio partis sphacelatæ sperari potest, quomodocunque se habeat sphacelus.

THES. XXV.

Pars sphacelo destructa restaurari nullo modo potest, sed vel sponte a reliquis viuis separatur ac abscedit, suppuratione in viuentibus adhuc vicinis partibus consurgente, vel auferri debet per chirurgiam. Hoc nisi fiat, per ante dicta progressus sphaceli, tardior vel celerior, toti corpori internecionem adfert. Si autem talem partem occupauerit, quæ ita secedere aut remoueri arte haud potest, ut reliquum corpus superstes sit, absolute mortem totius infert.

THES. XXVI.

Tempus, quod obseruare solet, variat pro acrimonia fermentatiua maiori vel minori, citius enim progrediens breuius tempus habet & contra. Tardius autem incrementum capiens ultra dies quadraginta haud facile protrahitur, quin vel, ne mortem inferat, superetur, vel finem vitæ imponat. Modus euentus ad salutem iam tactus est, separatione nempe partis emortuæ contingit, ad mortem vero

vero si corpus perducatur, principia vitalia in toto destruit.

THES. XXVII.

Curatio gangrænæ in eo consistit, ut mature stasis gravissima expediatur, corruptio auertatur & pars affecta sibi restituatur. Ad omnia hæc obtinenda interius faciunt diaphoretica, sudorifera, bezoardica, resolventia, balsamica, ita tamen, ut speciali scopo convenientiora semper seligantur. Hæc enim sanguinem fluxiliorem, temperatoremque reddendo stasim expediunt, eius proportionem per separationem & diffationem partium peregrinarum actiuarum exuperantium restitunt, adeoque corruptionem arcent, & vigorem parti affectæ, elaterem eius & partes spirituosas blandas restituendo, conciliant. Laudantur hoc nomine tam volatilia, ut spiritus C. C. simplex, proprio sale acuatus, in liquorem succinatum additione salis volat. succini redactus, cum spiritu tartari in liquorem bez. abiens, reliquique spiritus volatiles, eboris, viperarum & alia horum volatilia, camphora ipsa summe specifica, rite adhibita; quam media, ut tinctura bezoardica, mixtura simplex, rectificata, ess. ther. balsam. ess. myrrh. succin. lignor. elix. propriet. & fixiora, antimon. diaphoret. mercur. diaphor. c. c. philos. præp. ebur sine ign. pulveres bezoardic. pulv. Pannon. rubr. diascord. theriac. &c.

THES. XXVIII.

Volatilia ex his an media & fixiora in statu præfenti ex usu sint, circumstantiæ in ægro præsentis movent. Efferatiori enim sanguine in toto præfente, ex acerbari ille volatilibus haud debet, quæ magis fixiori

statui congrua sunt, sed media & fixiora in vsum vocentur. Imo volatiliora si requirantur, rectius illis interponuntur fixiora & temperantia, ne efferatio inde fiat damnosa. Ita, si a morfu animalis venenati timenda sit gangræna, in principio medicamentum volatilius vtile est, quod subito penetrat, & discussionem illati miasmatidis præstat, in progressu autem media & fixiora vsurpanda sunt. Ita in febribus, vbi efferatiores iamdum sunt humores, mediis & fixis vtimur, omittimus volatiliora. Camphora vero, moderata dosi & cum aliis propinata, efferationem haud ita augeat, temperat enim acrimoniam rosuam, vt in cantharidum noxa id egregie ostendit.

THES. XXIX.

Rarius euacuantia alia ad stasim hanc dissoluendam commoda reperiuntur, nisi alia iuncta talia postulent. Ita purgatio ad acrimoniam humorum minuendam in gangræna scorbutica timenda magis, quam iam præsentem, conuenit. Lenientia vero indicata quouis in statu vtilia deprehenduntur. Ita venæ sectio magis ad præseruandam gangrænam mature repellendi fine instituta, indicata tamen, prodest, quam curandi, nisi alia adsint, quæ eandem vrgent.

THES. XXX.

Magis vero huic scopo inferuiunt, alterantia reliquis dictis vel adiecta, vel seorsim adhibita, si stasis hæc ab acrimonia vel rarefactiua febrili & defectu feri blandi, vel scorbutica foueatur. Ibi enim diluentia, humectantia & temperantia, hinc & acidula & nitrosa, hic vero antiscorbutica & balsamica, conueniunt. Vti & vulnere, contusione,

fiore, vel solutæ unitatis specie alia præfente, traumatica, resoluentia, antipleuritica, diaphoreticis & bezoardicis remixta & ad præfervationem & ad remotionem ftaseos gangrænofæ recte adduntur.

THES. XXXI.

Omnia hæc, quæ ad ftasin expediendam pertinent, vna corruptioni auertendæ proficua funt, libero enim motu humoribus conciliato, corruptio eorum contingere nequit, maxime autem ex illis per fe quoque corruptioni contraria funt bezoardica, balsamica, myrrhata, camphora, elixir proprietatis, eff. fcordii & fimilia, vnde nunquam negligenda hæc veniunt, a quacunque caufa dependeat gangræna.

THES. XXXI.

Interna laudata neceffaria funt, haud tamen fufficiunt, fed ftatim fimul externa indicationibus dictis apta applicanda veniunt. Ex his itaque ftasin expediunt & corruptionem auertunt feruorem contemperantia, resoluentia, balsamica ac fibrillas roborantia. Palmam omnibus reliquis præripiunt ex fpiritu vini parata, vnde fpiritus vini fimplex etiam laudem meretur, magis tamen adhuc conueniens eft imprægnatus camphora, myrrha, olibano & fimilibus balsamicis, vnde spir. theriacal. camphor. matrical. eff. myrrh. conueniunt, & vel fola hæc calida cum linteis imponuntur, vel aliis huc facientibus mifcentur. Eidem fcopo enim inferuiunt fctus ex aceto faturnifato, decocto nigro chirurgorum, decocto calcis viux vel folo vel cum fulphure cocto, aceto cum fcoriis antimon. cocto, decocto falis ammon. ex vrina ægri, muria feu brodio

brassicæ acidæ seu muriatæ, decocto ex balsamicis & resolventibus v. g. scordio solo, vel ex rad. angel. galang. bryon. arist. rot. vincetox. carlin. scorzon. herb. scord. aliar. abroton. rut. absinth. nicotian. ror. mar. hyssop. salu. fl. chamom. sambuc. millefol. rosar. summit. centaur. min. sem. vrtic. lupinor. fabar. mastiche, myrrha, olibano, vi-triol. sacch. saturn. lithargyr. ceruss. alumine, sale commu-ni, sale ammoniaco, ex quibus varie iungi & præscribi pos-sunt intentioni congrua, coquendo cum aqua simplici vel marina & aceto vini, vel lixiuio & aceto, vel lixiuio & vino adiecto postmodum spiritu vini. Fetus ex his pa-rati meliores fere sunt, si tamen cataplasma ex vegetabili-bus dictis quis parare velit, facile id factu erit. Talia au-tem medicamenta sulphurea balsamica & sale enixo seu medio gaudentia putredini arcendæ, & resolutioni sanguinis, & roborandis fibrillis adhuc integris, aptissima sunt.

THES. XXXIII.

Speciatim autem in malo a frigore orto, si nondum corruptio inchoata & pars liuida ac frigida sit, sed rubor, dolor pungens & vrens adhuc adsint, statim, priusquam ad ante dicta accedamus, coagulum a frigore inductum succes-sive resoluendum, cum alias ad corruptionem magis subi-to ruat. Hinc adimouenda tunc est aqua frigida, vel nix, vel glacies, vel brassica, vel rapæ congelatæ. Hoc obtento, vel si tempus ad illud præstandum iamdum præterlapsum sit, ad dicta abire debemus. Compressio nimia si adsit & foueat, sta-tim remouenda, hinc ligatura maior laxanda, vel alia com-pressionis causa præsens tollenda. Non minus etiam im-posita inconcinna in inflammationibus, quæ exhalationem

impediunt & stasim augent, citius reiicienda veniunt. Ambustione prægressa grauiori, in principio temperantia magis locum habent, omisissis acrioribus, vbi vnguentum de lithargyrio insigne est. Et sic reliquis quoque affectibus præcedentibus, vt puncturæ neruorum, morsui animalium &c. ex suis loculis ita satisfaciendum, ne gangræna inducatur, vel imminens vt arceatur.

THES. XXXIV.

Præsens vero iamdum & incepta corruptio si sit, hæc quoque auertenda, & progressus impediendus est. Id vero fit per ea, quæ separationem particulæ corruptæ præstant & promouent. Hoc fine scarificatio partis affectæ ad particulam sanam vsque instituitur, præmissis fotibus superius dictis, & iisdem liquoribus eluitur particula scarificata. Postmodum applicatur vnguentum Ægyptiacum vel per se vel solutum in spiritu vini, simplici vel camphorato, theriacali, essent. myrrhæ &c. Cuius loco, inprimis si non satisfecerit, alii spiritum sulphuris vt *Riuerius Cent. I. Obseru. LXXIV. Hoffm. meth. med. p. 412.* alii spiritum salis rectificat. vel simplicem vel compositum, qualis ab eodem *Hoffm. l. c. p. 413.* describitur, vel butyrum antimonii, quo tantum circularis particulæ corruptæ illinitio fit, vel ex mercurio parata, vel lapidem infernalem, vt *Musitanus* facit, adhibent. Caute tamen & prudenter hæc administranda sunt, & particula adhuc integra defendenda vna, vnde fots superius laudati simul continuandi veniunt sedulo. Separationem etiam iuuant olea penetrantiora particulæ corruptæ applicata, vt ol. caryophyll. cinnamom. terebinth. &c. Ne dicamus, cauterium actuale a quibusdam laudari, quod rari-
us

rius admittitur, & debita prudentia adhibita, quandoque locum habere potest.

THES. XXXV.

Separatione apparente remotio apta præstanda, & ut vlcus postmodum malum tractandum bals. Peruvian. bals. sulphuris, vnguento diapomphol. aliisque tunc necessariis, non intermissis, sed continuatis, fomentationibus recensitis, vbi tandem consolidatio & restitutio partis in integrum consequitur.

THES. XXXVI.

Sphacelus autem si, vel dictis neglectis vel ob malum vehementius & rebelle, accesserit, nullum amplius superest remedium, quam partis ipsius amputatio, quæ tamen ipsa haud semper locum habet, sed tunc demum, si massa sanguinea reliqua adhuc est integra, pars talis sit, ut remoueri queat, vires, ætas & reliqua consentiant.

Quæ quidem, ut & modus eiusdem, latius addi deberent, sed, cum tempus iam meditationibus haud concedatur, quin potius vrgeamur, ad limam haud reuocata impressioni tradere, alii occasione exactiorem tractionem eorum, quæ desunt, reseruamus.

S. D. G.

